



KEMENTERIAN PEMBANGUNAN WANITA,
KELUARGA DAN MASYARAKAT

SIARAN MEDIA

TAMAN ASUHAN KANAK-KANAK (TASKA) DIBENAR UNTUK BEROPERASI SEMASA PERINTAH KAWALAN PERGERAKAN

PUTRAJAYA, 13 JANUARI 2021 – Kementerian Pembangunan Wanita, Keluarga dan Masyarakat (KPWKM) mengambil maklum pengumuman oleh YAB Perdana Menteri Tan Sri Dato' Haji Muhyiddin bin Haji Mohd Yassin berhubung pengisytiharan Perintah Kawalan Pegerakan (PKP), Perintah Kawalan Pergerakan Bersyarat (PKPB) dan Perintah Kawalan Pergerakan Pemulihan (PKPP) mulai 13 Januari sehingga 26 Januari 2021.

Selaras dengan pengisytiharan tersebut, KPWKM memaklumkan bahawa Taman Asuhan Kanak-Kanak (TASKA) yang berdaftar dibawah Jabatan Kebajikan Masyarakat (JKM) adalah dibenarkan untuk beroperasi semasa tempoh PKP, PKPB dan PKPP. Pihak Kementerian mengingatkan kepada semua pengusaha TASKA untuk memaklumkan kepada pihak JKM mengenai rancangan untuk beroperasi. Pengusaha TASKA yang beroperasi di premis-premis Kerajaan samada Kerajaan Persekutuan atau Negeri harus memohon kebenaran daripada Kementerian dan Agensi berkaitan terlebih dahulu.

Kebenaran pengoperasian TASKA dalam tempoh PKP, PKPB dan PKPP adalah selaras dengan Akta Pencegahan dan Pengawalan Penyakit Berjangkit 1988 (Akta 342) namun setiap TASKA adalah diwajibkan untuk mematuhi Garis Panduan Pencegahan Penularan COVID-19 yang telah

diterbitkan oleh KPWKM dan diluluskan oleh Majlis Keselamatan Negara (MKN). Walau bagaimanapun, kebenaran beroperasi ini adalah terbatal sekiranya terdapat arahan terkini daripada pihak berkuasa.

Kementerian juga akan mempertingkatkan pemantauan terhadap kesemua TASKA berdaftar yang beroperasi semasa Perintah Kawalan Pergerakan ini dengan memastikan kesemua TASKA mematuhi Prosedur Operasi Standard (SOP) yang telah ditetapkan oleh Pihak MKN dan Kementerian Kesihatan Malaysia (KKM).

###

Disediakan oleh : **Unit Komunikasi Korporat (UKK)**
Kementerian Pembangunan Wanita, Keluarga dan Masyarakat
No. 55, Persiaran Perdana
Presint 4, PUTRAJAYA

No.Telefon : 03-8323 1088

Tarikh dikeluarkan : 13 Januari 2021